

112 年全國語文競賽原住民族語朗讀 【卡那卡那富語】國小學生組 編號 3 號

takukua matisa'u tarukuka

'una ucani taniara. cina tarukuka marivici manu in. mukusa taira
mamumuaru mucaca. surumu cina isua cumacu'ura na ngungucara
karu, 'una ucani takukua mata'anungu 'inia. 'esi kucukucuun kee tikuru in
mataa aapungu. cu'uruun cina tarukuka sua takukua tamna tikuru. cucuru
maningcau tapasu in. 'una pa tinina na u'uru takupiripiri sasanga.
muru'u'u 'inia cina tarukuka. pakasiun kee takukua, takukua! cucuruana
maningcau tapasu tikuru musu! mataa 'una kasu sasanga. mastaan cu kasu
maningcau. noo tavaru'in tiniun na tina'an maku. tia kusai makananu
kacangcangara? marivari takukua, cucuru kara? 'esi nanu ka'anmana musu?
makasi cina tarukuka sasanga musu, cucuru maningcau. tiniun na 'ikua, tia
maningcau kavangvang. tuni kara kasu 'apasuruvai 'ikua uturu taniara?
marivari takukua, uu'u! makenanu! makasi tarukuka, 'akuni aka cupungu.
tia ai'iun maku. makasua cu, pakasiun takukua sua tarukuka, siaturu taniara
mon kita na karu isi 'arupacu'ura. mararuai cu nguani tassa.

makacang maca'ivi cu taniara. tia cu ai'iun sasanga nura na
takukua. 'esi 'inia tarukuka pacupucupungu, tia pakunnu purusuvun
takukua? matarava cu siaturu. 'acuu karu iisua takukua. miaranau maritaru,

koo iavatu tarukuka. pacupungu tia mukusa tanasa tarukuka kesoni. tavaru'u
tarukuka tia iavatu takukua tikirimi 'inia. pakasiun kee manu in, mukusaa na
tapininga takaisua tikirikiri sasanga!

koo pa miaranau, 'esacu takukua. makasi, ka'anu kasu 'apaica
nipakaria mita. miaranau cu ku maritaru. takaisua tarukuka makacang
marivari. niara mamanu maku sasanga isua tumatini. nipikiananu kusai
maroka? cu'uraon! pakasiun maku nguani tikirikirimia kavangvang.
cu'uruun takukua nguani. 'esi kipatusu kavangvang tikirikiri.
macarai 'inia makasi, uu'u kucu! iavatu kui nura. makasua aka cupungu
takukua pui'i. mane'i cu cupungu tarukuka. akini taniara. pokariun cina
tarukuka, cocua tamna ma'u'ura tarukuka. iavatu na nguain tamna tapininga.
takaisua muranu tikirimi. maka'una iavatu takukua. makacang pakasiun
tarukuka, koo pa mutua. cu'uraon! nipokari maku cocua muranu tikirimi.
ka'anu cu maraini takuka. arakuracu makasi, noo ka'anuin mutua ia, tia
maku pacanicanu matisa'u manu tarukuka! imua, matarava masini. paira pa
takukua matisa'u manu tarukuka.

抓小雞的老鷹

有一天，一隻母雞帶著孩子到野外走著。雞媽媽看到在樹上有一隻老鷹正在梳理羽毛。那隻老鷹有非常漂亮的色彩，脖子上還掛著一條亮晶晶的項鍊。雞媽媽非常羨慕，對著老鷹說，老鷹！你的衣服色彩真是美麗啊！你那一條項鍊更是增加了美麗，如果可以掛在我的身上，不知道會有多好？老鷹回答，是嗎？你喜歡的是哪個？雞媽媽說那條項鍊可以借我 3 天嗎？老鷹回答好啊！老鷹對雞媽媽說，那我們三天之後在這棵樹下見面。

雞媽媽在思索要怎樣欺騙老鷹呢？到了第三天，老鷹去了那棵樹下，雞媽媽沒有出現，心想！要去雞媽媽家裡詢問。雞媽媽跟他的孩子們說，大家到廣場來假裝尋找項鍊。

老鷹說你沒有按照約定去那顆樹下見面，我等了很久。雞媽媽假裝的立刻回答，那條項鍊不知道什麼原因不見了！你看！我叫孩子們在那裡尋找。老鷹看到他們在努力的尋找中，有點同情的說，那我明天再來吧！雞媽媽第二天她呼叫鄰居所有的小雞到他們的院子假裝找東西。老鷹再度的來了，雞媽媽說還沒找到。你看鄰居所有的小雞都起來幫忙找。老鷹生氣的說，沒有找到，那我就把小雞抓走。所以直到現在，老鷹還經常抓小雞。